


女95
961
2



門 二奴 15
961
2

歸範卷之三

物類第五

人體而禽者伯鳥人體而獸者狸狒人體而魚者鰐
鱷入魚也鱗魚也眉目口鼻手爪頭尾皆具肉白如
玉無鱗有毛五色髮如馬尾長五六尺額亦長五六
尺背有短髮如人取髮池中交合與人無異
亦不傷人故稱神靈謂上謂人下謂魚也其類人

京山李 元太初

歸範

卷之三



蠕範卷之三

物體第五

人體而禽者治鳥人體而獸者猩狒人體而魚者鰕
 鰕人魚也鱗魚也眉目口鼻手爪頭足皆具肉白如
 玉無鱗有毛五色髮如馬尾長五六尺體亦長五六
 尺背有短鬣微紅臨海人取養池中交合與人無異
 亦不傷人按稽神錄謂上體人下體魚徂異記謂人
 肘後有紅鬣代醉編謂手指相連如鳧爪松漠紀聞

京山李

元太初

需範

卷三 物體

一

謂有皮下垂如衣服所見不一皆鰓類也

附鵝鴨櫻如人手狍鴉人爪鷺鵝數斯人足在子人
首諸獯人目鴛鴦鳧俟竦斯鶯鵲橐巷畢方青鸛孰
湖諸犍山獐合窳窳窳麇鹿訛兔倒壽花蛇赤鱗人
面

異體而合者歷魴鵝鵝雙雙合體而異者蛇與蝦蟇與
蟹蝟與龜

歷跳兔也比肩獸也頭尾如兔爪足似鼠褐色前足
寸許後足近尺尾端有毛一躍數尺止即壓仆與駮

驢比而齧甘草駮驢負之一走百里

魴魴也魴也鰓也魴也鰓也鰓也鰓也東絲也左介也
箬葉也拖沙也婢屣也奴屣也鞋屣也版魚也比目
魚也似牛脾紫黑色細鱗一眼兩片相合乃行其合
處平版無鱗口近腹下昔越王為膾剖而未切墮落
於水化為此魚故亦名王餘魚

鷓鴣也蠻蠻也鷓鴣也歸飛也比翼鳥也似鵲多
力一翼一目雌青雄赤雌雄相得乃飛不比不能飛
也

雙雙青獸也三獸相并合爲一體出南海

象具十二肖肉鼉具十二肖肉鼉具十二肖肉

鼉土龍也鮫魚也狀如龍守宮鮫鯉四足黑色長一二丈背尾俱有鱗甲性嗜睡兩目常閉能橫飛不能上騰力猛善攻岸身具十二肖肉蛇肉在尾最毒向日吐水日沈則沒其聲如桴鼓謂之鼉鼓夜鳴應更初更一鳴二更再鳴謂之鼉更將雨則鳴聞鼓聲則鳴皮可作鎧亦可冒鼓其穴極深漁人以筏纜繫餌採取或掘其穴百人掘百人牽一人掘亦一人牽不

然終不出性難化沸湯入口良久乃得剥之

蛇如血射如臂猶如毳沙噀如臙視肉如肝海參如勢淡菜如陰線蟲如髮謂之混沌

猶塊然一物無頭目手足有尾黑如漆撫之温煖聲如雷宋宣和禁中見之

沙噀石筍也土笋也塊然一物如牛馬腸臙無首目皮骨長五六寸蠕蠕而動觸之則縮如桃栗徐擁踵去其別種六曰海粉蟲如蛞蝓大如臂食海菜食紅則紅食綠則綠土人取其糞爲粉或云以巨石壓其

背則此蟲腸胃從口中吐出為粉吐盡而斃曰油筋如筋曰沙筋如釵曰土蟀曰沙蠶曰鑽俱如蚯蚓皆海物也

海參戚車也黑色浮游海中生東海者有刺生南海者無刺長可尺餘得而斫之纔數寸像男子勢

線蟲細如髮長二尺許生水中引之不斷或生鱗脊中經火無毒

鳳肉味麟肉角麋肉蹄鼯肉翼蛟尾肉環駝背肉鞍

蛟蟻也馬絆也似蛇四足小首交眉細頸頸有白瘻

胃前赭色背上青斑脇邊若錦尾有肉環大者數圍

長數丈卵如一二石甕性不能降雨而能裂山一淵

不容兩蛟兩則不相下矣能率魚而飛得鼈則免蛇

雉交而生卵遇雷入地數丈生而為蛇經二三百

年乘風雷裂地而出然後成蛟

附老鵝肉翅鵝鳴肉翅虫尤肉翅武功大鳥肉翅

麋駭影犀惡影龜滌影翟舞影

熊牛目豎鵝鵠目交貓目黃鵝目綠禺目青鷺目赤鸞

目在背鱗目在領鳩目晝盲雀目夜盲魴一目蛇無目

鱈鱒也魴也鮪魷也魷魷也蒲魚也蕃踯也石蠟也
邵陽也海鷄也身似荷葉尾似箕齒似石版肉翅能
飛口在腹下自在領上無足無鱗背青腹白尾長數
尺有節節節連比螫人癢悶不已逢物以尾撥而食
之

牛脂香豕脂臊犬脂腥羊脂羶龍脂燃鐵猾脂生火熊
脂在心羅脂在肩鮠脂在腸魴脂在腹鮓脂在鱗乳羊
純脂毳毳無脂

龍將軍也元長史也醉舌公也癩頭龜也河伯使者

也似鼈而大色青黃癩頭黃頸腸屬於首其脂得火
可以然鐵以脂磨鐵則鳴妻鼈卵生龜鳴則鼈應卵
大如鴨子每產百枚其力猛能攻岸人以鉤索釣之
龜吞鈞任其曳舟而走俟其力盡乃得之或乘其曬
腹江岸漁人接竹以掣之倉卒不能自反為人所制
身具十二肖肉隨月浮水月沈則沒性最難死雖支
分鬻解猶自跳走剔其肉盡口猶咬物裂肉懸之無
人垂長惟蚊吮嗜之則一旦死矣千歲者能與人語
猾海獸無骨入虎口虎不能噬處虎腹中自內齧之

其髓入油油卽沾水水中火生不可救止以酒噴之卽滅

熊貌也執夷也消熊也豬熊也狗熊也六熊將軍也似豕豎目人足黑色亦有赤白青綠色者輕捷善緣見人則顛倒自投于地冬蟄春出其穴內見穢物及傷殘則合穴自死或爲棘刺所傷出穴爪之至骨卽斃性惡鹽食鹽則死常居樹孔中呼子路則起不呼不動也壽至五百歲能變化其膽春近首夏在腹秋在左足冬在右足可以辟塵以淨水一器塵幕其下

投膽米許則凝塵豁然而開熊行山中雖千里必有跽伏之所曰熊館春夏臙肥皮厚筋努每緣木引氣或墮地自快所謂跌臙者曰熊經當心白脂似玉冬有夏無者曰熊白冬月蟄居饑則自舐其掌曰熊蹠其赤者爲魑黃者爲羆

羆黃熊也馬熊也人熊也狻熊也似熊而大黃白色長首高足縱目力猛可以拔樹能緣能立遇人則擘而攫之其心尚之間秋冬有脂似熊白而粗
鯢黃姑也黃骨也似白魚長不近尺濶不踰寸扁身

圓尾細鱗腸腹多脂

魴鱖也鰓也鯉也鯢也赤尾魚也小首廣腹縮首穹脊細鱗色青白其肪在腹

鼯鼯鼯也竹鼯也土撥鼠也辟毒鼠也似獺穴土而居肉肥無脂皮可為裘雖溼不透

鰕鮓無血鬣血綠鰓血黑鴟血守金蠃血守宮猩猩之血染毛羽蚯蚓之血柔弓弩

蠃蟻蠃也守宮也壁宮也蟻蟻也祝蜒也棘蠃也蝎虎也貞官也生屋壁間狀如蛇醫灰黑色扁首長

頸細鱗四足長者六七寸好食蠶以硃砂飼之滿三觔體盡赤治擣萬杵塗女人肢體終身不滅惟房事則滅若以塗臍則終身無子或曰取其新合陰陽者雌雄各一藏瓮中陰乾百日點女臂則生文章與男子合輒去或曰生置宮中宮人有異志者即吐血汚其衣

狼腸直羊腸曲蕪蛇腸連龜腸屬首鰕腸屬腦

鰕鱖也魴也沙虹也長鬚公也朱衣侯也虎頭公也硃鬚鉞鼻背有斷節尾有硬鱗多足好躍腸屬于腦

以鬚相交子在腹外長者二三尺或數丈其種類曰
 蛭龍鰕也海鰕也鰕魁也水馬也頭目如龍背利如
 刀前兩足大如人指上有芒刺如薔薇枝赤而銛硬
 手不可觸大者長一丈或七八尺鬚亦長數尺可為
 簪杖頭殼可為盃斗空中置燈望之如龍形曰苗鰕
 泥鰕也稻花所化在田泥中曰蘆鰕蘆葦所化青色
 似蘆食無腥氣曰負朱鮀鱗也無足而鱗有朱點曰
 鰕長寸許無足大似釵股曰鰕狗小而緊身無肉曰
 鰕公鰕姑也管鰕也似蜈蚣而擁楯曰紅鰕色如榴

花子亦紅色曰五色鰕五色長尺餘曰天鰕狀如飛
 蟻秋社後有風雨羣墮水中人掠取之不取則化又
 米鰕糠鰕以精粗分青鰕白鰕紅鰕以顏色名謝豹
 鰕梅鰕以杜宇啼梅雨下時出而名又有赤尾塗苗

金鈎諸名

鱧膽味甘鼈膽味辛蚬膽月三移象膽歲四更熊膽春
 首夏腹秋左足冬右足鱧膽秋冬近下春夏近上馬無
 膽鼠死無膽羆秋冬無膽

鱧鮫也鱧也蠶也鱧也鯛也烏魚也文魚也柴魚也

北斗魚也七星魚也火柴頭也身圓而長黑鱗駁首
首尾相等鱗細有斑文口有舌齒背有鬣尾無岐首
戴有七星夜則仰首向北斗而卧雌雄相隨將子啖
衆魚其子成寸後逐豚而行輒自後吞之亦與蛇通
氣

鰮黃類也黃魴也魴魴也黃楊也黃頰也黃鼓也燕
首鮎尾魚身無鱗肉厚頰長腹黃背青腮下有二橫
骨有鬚有胃羣遊作聲軋軋然性最難死有力能飛
有刺螫人亦能為魍鬼魅人換人面目反人手足祈

之可免

龍脊八十一鱗陽九之數也鯉脊三十六鱗陰六之數
也

鯉鱖也魚王也稱龍也李長史也赤鱗公也脇鱗一
道自首至尾無大小皆三十六鱗每鱗有小黑點有
十字文赤鯉曰鯪黑鯉曰鯪白鯉曰鯪亦有五色者
兗州人謂赤驥青馬元駒白騏黃雉黃者每歲季春
逆流登龍門山天火自後燒其尾則化為龍不能登
者點額而還每歲化龍不過七十二也額上有書王

字者是龍所化臨海有長百步者小平津有重千斤者壽皆千歲毛萇許慎以爲鱣非也其種類曰齋似鯉而小曰黃尾似鯉尾微黃食之有土氣曰大姑似鯉身小鱗大有脊骨無細鯁曰金鯉白日映之紅黃如金

蟹殼十二星鱖鬚十二刺蠮甲十二片兔尻九竅狸文九節貓鬍九坎蝮殼九孔羊腸九曲鱸四腮蠮四鬣鯪四牙果下兩脊

鱸魚似鱖而四腮巨口細鱗白質黑章四五月出

果下雙脊馬也高不過三尺可乘果樹下有兩脊骨健而善行

夔鵬一足烏賁能三足蜻蜒蜘蛛蝶蟻六足蟹儻八足蛭鬻十二足蝮蛇三十足蝮百足

夔夔牛也犁牛也如牛而大蒼身無角一足能入水吐水則生風雨其音如雷皮可爲鼓聲聞五百里肉重數千觔出東海

鳶章舉也章鋸也章魚也章花魚也似鱧而大八足身上有肉如曰形似病痘小兒能以足粘石拒人

蛸也江瑤也海月也膏葉也盤柱也馬頰也馬甲也玉珧也蜃蛸也角帶子也瓦楞子也楊妃舌也似蚌大如鏡色白正圓肉腥而韌牙長寸許圓半之即其柱也形如扁牛角雙甲薄而脆界畫如瓦楞向日映之絲絲綠玉晃人眸子而嫩朗又過之四月南風乍起日三四至可得數百枚水沫所化煮之化水其小者爲沙瑤

蚌土肉也龜魚也色黑長五寸大者尺餘狀如小兒臂無口目有腹腸三十足如釵股出海中然盧王將陶瓊於土穴中得之長數丈大十圍是不獨海中出亦不止尺寸之大也

附鷺鳥橐蜚山蕭跋踵畢方獨立一足獮瞿如酸與羅平三足人魚鷓鴣四足鷓鴣珠蟹從從儵鷓冉遺鯨六足護囂蜚辣薄魚蠻蠻諸犍黃馬一目馱三目珠螿羅平四目酸與鷓鴣君山龜六目搏龜長右四耳鴉三耳猱麋閭獬豸臙疏辣辣一角蠱雕龍魚土螻蟻羊諸懷伎伎夫猪猡如獬豸驛四角謹儵三尾猱五尾鷓鴣六尾蠶蚌犍龜灌灌青邱

狐九尾蠻蠻一翼鵠鵠三翼鷲酸與肥遺鳴蛇蜚蛭
四翼鰩鰩十翼鷄三身何羅魚茈魚十身鷓肥遺奇
肱兩首鵠鷓鷓三首儵四首鰓鰓六首蠶蛭阿羊
九鳳木夫雄虺石修開明九首屏蓬命命左右有首
鼈封荼首枳首前後有首

蝗首王字蟒額王字虎首王字虎威乙字魚腹乙字魚
尾丙字魚頭丁字雁陣人字蟾腹八字鸚翼八字蟻角
八字

蝗蝶也蚤也蠶蚤也嘛吒也蠶蟻也蝮蠹也赤騰也

飛蚤也天蟲也橫蟲也頭方而赤身有甲首有王字
額下有文翅旁有竅可以縷貫羣飛蔽天魚卵所化
每生百卵卵如麥門冬狀數日而長卵中出如黑蟻
者八十一枚遺入地經雪則入愈深春卵始生初出
如蠶五日而躍十日而飛若逢雨潦仍化爲魚其食
苗無遺類捕者鳴金擊鼓聳然而聽若有所待故曰
曰性畏金聲也其子曰蜾曰螭

鱗首有鶴喙鱗腹有烏腎鱗首有烏毛

鱗首也鱗也鱗也鱗也鱗也望魚也側薄似刀細

鱗白色吻上有二硬刺腮下有長鬣腹下有硬角近尾有短鬣飲而不食子多而肥大者長尺餘腹有鳥腎二枚鱧鳥所化鱧鳥色白似鷗羣飛至夏則鳥藏而魚出矣

象爪在鼻鰓腸在首鯀齒在足燕足在口鯀耳通腦猿背通肩鯀腦通氣魚腦通水

鯀海木也大三尺餘左足長右足短口在脅旁常以左足捉物交右足齒內嚼之而後納於口此魚怪也出南海

燕魚海燕也陽遂也大一寸無頭尾狀匾面圓不知頭尾背上青黑腹下白脆有文如葦齒口在腹下食細沙口旁有五路正勾卽其足也有肉翅陰雨則飛海上丈餘生則奕死則脆又鹽官縣石浦有海燕魚黑色無鱗聲如牛長三十餘丈嘗乘潮來去
鯀魚也鯀也黃貂也黃魚也燕魚也牛尾魚也形圓似扇亦似覆笠亦似蝙蝠無鱗色紫黑口在頷下頭圓禿如燕身圓扁如箕眼後有耳竅通于腦尾圓長似牛尾約一尺餘過於身其端有毒末三刺甚毒其

肉翅亦螫人有白黑二色有虎魃劍魃狗魃各種胎生大者至如車輪

井魚海魚也腦有穴如井每吸海水輒於腦穴蹙出如飛泉洒落海舟以空器貯之海水鹹苦經魚腦出者淡如泉

貍脊簪笄鮫腹開洞鮓首負石蝶翅傅粉鱗鼻張斧鵝頷懸囊鵲尾橫帶獬手握版螢尾燃燈鱗喙挺針

貍豪豕也毫豬也蒿豬也山豬也鸞豬也帝獬也獬獠也水獠也響鈴也項脊有棘鬣長近尺許似笄白

本黑端怒則激去如矢好食苦參南海泡魚所化其毫赤者曰孟槐出譙明山

鮓鮓也金鱗也黃瓜也黃花也黃魚也江魚也洋山也石頭也石首也似鮓扁身弱骨細鱗色黃無血出水能鳴夜視有光其鱗黃如金可以消瓜為水每四月自海洋來綿亘數里其聲如雷海人以竹筒探水底截流取之潑以淡水則圍圍無力頭中有白石二枚瑩潔如玉至秋化為野鴨鴨頭亦有石獬獠似猯而捷樹上歛然騰躍如飛鳥黑身白腰若

帶手有長毛白色若握版之狀

龍易骨蛇易皮鹿易角蟹易螯象易齒騰易鱗龜易殼
麋易蹄唐鼠易腸

唐鼠鼯也易腸鼠也似鼠稍長青黑色腹邊有餘
物如腸時亦朽落相傳仙人唐昉拔宅昇天雞犬皆
去唯鼠墜下不死而腸出數丈三年易之故名唐鼠
鷹三變鶡三變鶩三變鵞四變

鷹鷂也蒼鷹也角鷹也爽鳩也征鳥也將軍也凌霄
君也決雲兒也頂有毛角微起蒼色利爪雄小雌大

穴居者好眠木巢者好立骸長者起遲翮短者飛急
鶩化鳩小暑學習立秋乃擊處暑祭鳥應時也一
歲黃曰黃鷹二歲赤曰鶡鷹亦曰撫鷹三歲蒼曰青
鷹其別種曰白鷹有荆窠白漠北白房山白漁陽白
東道白因地而異其形性曰赤鷹紫背黑鬚白睛白
毛出代州曰雉鷹曰菟鷹各以其能獲名曰胡鷹可
以獲麀曰虎鷹身大如牛翼廣二丈飛攫虎豹而食
之曰西洋鷹高三尺黃黑色攫食羊鹿生子視日目
不瞬者留之子受蛇毒自尋異石爲解

驚白唐也鷓鴣也阿濫堆也似烏色黃一變為青鷓
其色蒼灰再變為白唐紋細臆白三變為白鷓斑點
上有黑色

螿有四種秋食豆花者曰斑螿斑貓也斑蚝也龍蚝
也蟹蝨也斑菌也卷髮也晏青也大如巴豆背畫一
黃一黑斑文烏腹尖喙赤身丹首尾後惡氣射出臭
不可聞春食芫花者曰芫青青娘子也嘴尖青綠色
背有一畫黃夏食葛花者曰葛上亭長身黃黑頭額
上大紅一點冬入地中者曰地膽地要也青蠹也青

蟻也杜龍也春虹也黑頭赤尾蓋一物而四變隨四
時也

蝶以鬚嗅龜以耳息牛以鼻聽鼈以目聽龍以角聽蟻
以背行蛇以腹行飛兔以背飛蠶以殼飛鼯以尾飛鱗
以鬣飛龍以雲飛蜘蛛以絲飛海燕以窩飛
蟻蛉也蟻螞也肥蟻也乳齊也蚤蠹也蟻螞也蛭蛉
也喧螿也應條也地蠶也身短足長背有毛筋居糞
土中肥白以背滾行捷於足燥濕相育不母而生久
則羽化為蟬邵陽郡人種蟻螞法掘地為窖以粳米

粉鋪入其中草蓋糞壅候雨過氣蒸則發開而米粉皆化蠅如蟻螬矣謂之乳田

鼯鼯也鼯鼯也地鼠也耳鼠也飛鼠也甘口鼠也兔首鹿文其身似鼠細小如蠶豆足不可見其口有毒食物而物不覺痛莊子注以為偃鼠

海燕金絲燕也似胡燕而小尾絲如金育子時啄蠶螺為食蠶螺背有兩筋如楓蠶之絲堅潔而白燕食之者肉化而筋不化吐附石上為窩其燕渡海翮倦則以窩浮海而坐其中久之復銜以飛其窩有烏白

紅三色紅者為血燕最佳春取者白夏取者黃蛇以鰕為目躄以蟹為腹虎以俵為手

蛇蟻也鮮也水母也鰕鮮也海鯉也海舌也江蜃也海蜃也蜃皮也石鏡也樗蒲魚也狀如血蝟色淡紫或白濛濛如沫縱廣數尺有知識有足無腹臟耳目大者如覆帽小者如碗腹下有物如懸絮即其足以鰕為目潮來羣鰕擁附啞食其涎若乘槎然謂之鰕槎汎水如飛見人驚沉或潮迅不能自去人剝其肉潮來復活

螺屬自為出入猿臂自為伸縮鴛龜之版自為開閣倭
蛇之首自為開閣蚌蛤之殼自為開閣蘓木之腹自為
開閣

蘓木獸前半似狸後半似狐人足梟耳腹下有房可
開可合常納子其中欲乳方出出西洋蘓木國又額第
國之狸猴即此

獨蜂之足連樹瓏羊之臍連土鰻魚之殼連石羴羊之
角植草

羴羴也騾也健羊也野羊也山羊也似驢色青善鬪

鬪或至死亦善陟峻阪躍如飛鳥虎豹不能追及之
角似羚而節疎其角霑土暑天露浥生草其上愛護
之每獨寢其類莫敢近獵人網得之生剖心血可化
雞血為水

馬卧後坐牛卧前跪馬起前爬牛起後奮陽鳥之飛頭
伸足縮陰鳥之飛頭縮足伸

鳥長距則伏短距則立馬有疾則卧無疾則立牛無疾
則卧有疾則立

蠖卻行蟹側行蝓滾行蛇蚓紆行雀蛙躍行砂援倒行

虫 蛭 枳 首 順 逆 行

尺 蠖 步 屈 也 蜺 蠖 也 螂 蝓 也 螂 蝓 也 尺 蠖 也 度 蟲 也 形 小 色 青 多 足 行 則 屈 腰 使 首 尾 相 就 食 桑 葉 繭 絲 不 任 用 食 黃 則 黃 食 蒼 則 蒼

砂 倅 砂 按 也 倅 鬱 也 睡 蟲 也 倒 行 狗 也 生 砂 石 中 作 旋 孔 大 如 大 豆 背 有 刺 好 睡 能 倒 行 取 致 枕 中 夫 妻 相 悅

物 聲 第 六

禽 聲 清 而 遠 獸 聲 壯 而 濁 魚 聲 短 而 忽 蟲 聲 幽 而 緒

鳳 管 鸞 笙 獅 鐘 鼈 琴 鶯 簧 蚓 笛 鸚 鵡 龠 蛙 鼓 是 謂 天 樂

鸞 翳 也 雞 趣 也 錦 鳳 也 似 鳳 赤 色 久 則 五 彩 變 易 聞 樂 則 蹈 節 而 舞 其 翼 赤 者 丹 鳳 青 者 羽 翔 白 者 化 翼 元 者 陰 翫 黃 者 土 符

鶯 皇 也 黃 鸞 也 黃 鳥 也 黃 池 也 黃 袍 也 黃 鸚 也 離 黃 也 鷲 黃 也 鸚 鵡 也 麗 庚 也 商 庚 也 倉 庚 也 商 倉 也 含 櫻 也 水 鴉 也 楚 雀 也 搏 黍 也 黃 伯 勞 也 黃 栗 留 也 金 衣 公 子 也 似 鸚 鵡 而 大 眉 黑 嘴 尖 足 青 身 黃 尾 黑 黃 相 間 雌 雄 雙 飛 鳴 音 圓 滑 如 織 機 之 聲 冬 藏 蟄 谷 中

以泥自裹如卵無復羽毛二月生羽破土而出
鷓鴣也天鷓也天鷓也告天子也似雀而大似鷓而
小麻色頭有黑毛數行巢土中哺子朝晴則飛衝牛
空而鳴如告天然聲高而多韻

附駁馬之音如鼓長蛇之音如柝鯨鯢之音如磬狷
裏之音如斲木旋龜之音如判木狺獸之音如擊石
鶯歌燕語鶴唳鳩呼虎嘯龍吟獅吼狐嘯雞叫犬吠馬
嘶牛物鶻泣蟬響蛩吟蛙噪雉雊鵲噪猿啼蜂祝是謂
天籟

蟬螿也蜘蛛也蟬母也寧母也仙蟲也社樂也音樂
也齊女也玉女也青林樂也方首廣額兩翼六足無
口善鳴飲而不食溺而不糞乘昏夜出土升高背坻
而出三十口而蛻謂之枯蟬又名復育金牛有不蛻
者頭上生角黃碧色謂之蟬花其種類曰范蠅蜩也
蛟蚪也切螿也切螿也蟬蛩也蛤蜊也螿蛩也螿
也螿蛩也小而色紫或身具五采四五月先諸蟬而
鳴曰螿蟬蛩也冠蟬也胡蟬也蟬蛩也首方廣有一
角如花冠黃碧色五月鳴聲清越曰蝈蝈蛩也螿蛩

也馬蜩也馬蟬也大而色黑五月鳴聲雄壯始終一
聲曰蜚蜺也蟪也寒蜚也寒蜩也寒蟬也蟋蟀也蜻
蚪也蟋蟀也蟋蟀也閤蜩也小而青赤七八月鳴曰
蚱蟻也茅蠶也啞蟬也未得秋風不鳴似瘖至八月
則鳴聲淒急曰螻蛄也馬蜚也虎懸也大而有文
類廣且方曰蜚蜚也蜚蜚也蜚蜚也蜚蜚也小而
有文四月鳴無韻曰蜚蜚也蟋蟀也蟋蟀也促織也投
機也景天也精列也蜻蛉也王孫也嬾婦也似蝗而
小黑色光澤如漆有角翅善跳好鬪勝則驚鳴常以

立秋後夜鳴達旦朽葦所化又有金鐘兒長身岐尾
銳前豐後躍則以翼鼓鳴其聲稜稜如小鐘
鬪聲如呼猴聲如咳鷓聲如嘔鷓聲如笑商羊之聲如
嘯竹雞之聲如啼

鳴鶴也鳶也鳶也角鳴也怪鳴也鷓鴣也鷓鴣也鴉
也鴉也老鷓也鈞鷓也鷓鴣也鬼鷓也快扛也
春哥也轂輓鷹也夜食鷹也草板載也足有毛長爪
黃黑斑色頭目如貓有毛角晝伏夜出鳴則後窾應
之其聲連轉如云休留或雌雄相喚聲如老人初若

呼後若笑白日不見人夜能拾蚤蝨所至多不祥鴟
 性不飲泉及井水遇雨濡翮飲之以鴟為圖可聚諸
 鳥其異種曰鴉人手三耳足如小兒音如痺出柜山
 曰鷄一首三身出三危山曰數斯人足出阜塗山曰
 狂夢鳥也回回也榮榮也人面有髮五色曰鷓赤足
 黃文白首出鍾山

竹雞山菌子也雞頭鶻也似鷓鴣而差小黑首花面
 褐身尾秃多斑赤文居竹林性好啼其聲曰泥滑滑
 見其儔必鬪好食白蟻諺曰家有竹雞啼白蟻化為

泥

附水馬駢馬夸父之音如呼鹿蜀之音如謠長右之
 音如吟蠶蜚之音如號花蛇鯨魚之音如叱薄魚之
 音如謳

又鴉音如痺勝遇馱鳥之音如錄孟槐天狗之音如
 榴榴輪輪之音如欽滑魚之音如梧

鷓鴣曰行不得也哥哥雛曰呱呱無屋住鷓鴣曰得過
 且過杜鵑曰不如歸去鷓鴣曰春起也鷓曰提葫蘆竹
 雞曰泥滑滑布穀曰脫却布袴家家撒穀

鷓鴣也山鷓也山鷓也越雉也花豸也隨陽也懷南也逐影也逐隱也內史也珍珠斑也小似斑鳩雞身鶉首臆文白圓點如珠背文紫赤色多對啼每啼連轉數聲飛數應月正月一日飛即伏巢十二月凡十二日飛性畏霜早晚稀出夜棲以木葉蔽身雖東西回翔其命翻之始必先南翥鳴曰杜薄州曰但南不北曰鈎輈格磔曰行不得也哥哥愚按鷓鴣常鳥似斑鳩俗稱珍珠斑以為斑鳩之一種而別取閩粵大如母雞者當之誤矣

鳩雛也鳩鳩也斑鳩也錦鳩也鷓鴣也似鴿而小灰色有斑斑文如笋籜俗稱笋殼斑長尾尾端白性慤孝拙於為巢才架數莖往往墮卵天將雨即逐其雌霽則呼而反之故諺云雄呼晴雌呼雨又云天將雨鳩逐婦也其聲若云呱呱無屋住有青色者曰青雛糠鳩也綠鳩也黃鳩也黃褐侯也聲如小兒吹竿九月黃魚所化又有白色者曰白雛有無斑文者曰荆鳩楚鳩也又青邱山有鳥如鳩曰灌灌異種也愚按楊子方言鳩三種大者鳩鳩即今斑鳩也小於鳩鳩

者爲鴝鳩鴝鳩鴝鴝即今珍珠斑也小於鴝鳩者爲鴝鳩鴝鳩鴝鳩鴝鳩即今紅窠斑鳩也珍珠即鴝鳩紅窠即提壺本皆鳩種世因其聲而別名耳李時珍立異說而闢楊雄不足據也又按少昊以鳥紀官五鳩鳩民祝鳩氏司徒睢鳩氏司馬鳴鳩氏司空爽鳩氏司寇鵠鳩氏司事論者紛紛不一一祝鳩也爾雅某注以爲鳩鴝羅願以爲鴝鳩一睢鳩也郭璞以爲鴝陸璣以爲鴝楊雄以爲白鷹師曠以爲白鷺杜預以爲鳴鳩黃氏以爲杜鵑一鳴鳩也李廵

以爲鴝鴝嚴粲以爲擊征楊雄以爲戴勝郭璞以爲布穀一鴝鳩也杜預以爲鴝鴝舍人以爲斑鳩鄭樵以爲鴝鴝埤雅以爲鴝鳩獨鷹爲鴝鳩據爾雅有定論耳愚謂五鳩皆鷲鳥最大者鷹小於鷹者鷲小於鷲者鴝鳩小於鴝鳩者海青小於海青者燕而斑鳩不與焉但今人稱鳩者獨此鳥故附論之鴝鴝盍旦也渴旦也侃旦也鴝旦也旦旦也城旦也定甲也倒懸也獨春也號寒蟲也似雞而小四足肉翅不能遠飛仲春不鳴夏月毛生五色可愛則鳴曰

鳳凰不如我冬月毛落如雛則鳴曰得過且過然冬
至陽生則不甚鳴故月令謂仲冬雖雖不鳴也鳴聲
多者五穀薄少者五穀熟其屎臊惡粒大如豆恒集
一處謂之五靈脂

杜鵑田鵑也子鵑也子規也子嚮也周燕也嚮燕也
鷓鴣也鷓鴣也怨鳥也苦鳥也冤禽也陽禽也鷓鴣
也杜宇也秭歸也催歸也謝豹也姑惡也苦吻也思
歸樂也狀如雀鷓而色黑面白口赤有小冠自項至
尾一行赤黃色春暮卽鳴鳴必向北其聲哀而吻有

血至夏尤甚晝夜不止夜啼達旦血漬草木啼苦則
倒懸于樹惟食桑蠶不能爲巢自呼曰謝豹或鳴曰
苦苦曰姑惡曰不如歸去初鳴先聞其聲者主別離
學其聲令人吐血登厠聞之不祥或作狗聲以厭之
取梅子塗其口兩邊皆赤則上天自言乞恩也蜀王
杜宇當鵑鳴時亡去民間鵑鳴則思之世遂傳杜宇
死化爲鵑或曰有人飲錦城謝女窺而悅之其人聞
鵑聲辭歸女恨甚使侍女驅鵑曰聲若豹鳴使人怔
忡也因名鵑爲謝豹

鷓鴣糠鳩也提壺也提葫蘆也火葫蘆也紅窠子也似斑鳩小而多羣頸有紅圈雄翅有赤鳴曰提葫蘆吾鄉傳其聲云築田口農夫以爲雨候

布穀馱也鵠鳩也結籬也柔鳩也步姑也鶉鳩也鋪鼓也鋪鼓也鋪枝也搏黍也撥穀也護穀也擊穀也擊鶉也郭公也買鏡也似斑鳩而差小似鷓而尾長身長尾大麻色腹下黃白牝牡飛鳴則以翼相拂而擊相呼不相集穀雨後鳴農夫下種夏至後乃止其聲若云割麥揮禾脫却布褲脫了潑袴郭嫂打婆一

百八個快快插禾家家撒穀伴工做活浙西人譯其聲云灼山看火或云八山八火蓋蠶至春暮架於山上下灼以火鳥適鳴其時也吾鄉傳其聲云哥哥燒火或云開桑撒果立夏後改呼云客樂或云去那彷彿人語也常居鵲巢及樹穴中哺子胡自上下暮自下上然布穀李肇以爲鳴張華以爲戴勝郭璞以爲鳴鳩陳藏器以爲鳴鳩

附晉永康有鳥鳴曰服留隋大統有鳥鳴曰萬春鄆陵有鳥鳴曰後懊汴洛有鳥鳴曰瘦兒常山有鳥鳴

曰傷魂林邑有鳥鳴曰歸飛峩眉山有鳥鳴曰佛現
九華山有鳥鳴曰莫損花

附隆多羅識豬音楊翁仲李南識馬音介葛盧詹何
識牛音沈僧照識虎音神雞童識雞音安息太子識
燕音陽宜管輅識鵲音公治長秦仲楊翁偉魏尙張
子信孫守榮侯瑾陰子春成武丁陳國華麥宗識鳥
音神速姑識蛇音伯益白龜年識鳥獸之音

鳳曰節節足足鴛曰剝剝卜卜鷓鴣曰架架格格

鷓鴣鷓鴣也鷓鴣也批頰也鳥鳴也鴉舅也鴉競也

催明也喚起也夏雞也架梨也榨油郎也鐵鸚鵡也
鳳凰皂隸也大如燕灰黑色者長尾淺灰色者短尾
尾各有岐羣類過巢必往鬪之所集之處其類不得
再巢小於烏而能逐烏雖鷹鷂亦畏之每三月內五
更早鳴曰架架格格至曙乃止然鷓鴣羅願以為祝
鳩楊慎以為鷓鴣雞又以為伯勞李時珍以為戴勝又
以為鷓鴣

鵲曰啾啾雀曰嘖嘖鷹曰交交鶻曰苦苦鹿曰啾啾蛙
曰蛤蛤

鳥桑鷹也左傳曰少皞以鳥名官九鷹爲九農正爾
雅曰春鷹鴻鵠夏鷹竊元秋鷹竊藍冬鷹竊黃桑鷹
竊脂棘鷹竊丹行鷹喞喞宵鷹噴噴老鷹鷓鷃陸璣
曰竊脂青雀也好竊人脯肉脂及筍中膏邢昺曰竊
脂淺白也李時珍曰蠟紫雀大如鷓鷃蒼褐色有黃
斑點好食粟稻其喙微曲而厚壯光瑩或淺黃淺
白淺青淺黑皆以喙色聲音別之非謂毛色也愚謂
青雀盜食肉之說繆矣桑鷹野鳥安得肉而竊之且
郭璞旣謂竊藍青色又謂竊脂青雀旣謂諸鷹因毛

色聲音爲名又謂竊脂好盜脂膏皆自相矛盾也時
珍謂蠟紫雀喙色各別夫以無名微鳥少皞安得專
取以名官竊謂卽今時鳥如方言鳩稱鳩鳩禽經謂
竊元曰鷓山海經有崑山竊脂鳥喞喞是鷓聲噴噴
是雀聲鷓鷃是鷓名似可據以釋之然雀聲在晝何
以稱宵鷹則古今稱謂各別不必強通也
猩猩人言狒狒人言鷓鷃人言鷓鷃人言秦吉了人言
烏鳳人言青雞人言海多魚人言
鷓鷃鷓鷃也步鷓也花鷓也鷓鷃也寒臯也乾臯也

黝烏也。鵙鳩也。八哥也。咧咧也。叭叭兒也。似鵙有幘。飛成羣，多聲，身首皆黑，嫩則口黃，老則口白，兩翼各有白點，飛則見如書八字，不肯爲巢，每居鵙巢生子。交則以足相勾，鼓翼如鬪，往往墮地，其性好食桑椹。周禮云：鵙鳩不踰濟，蓋濟北無之也。畜之者，五月五日剪其舌端，使圓，教令學語，能人言，亦可使之取火，取其目睛，和人乳滴眼中，能見烟霄外物。○按戴勝，戴鶯也。戴鶯，戴鶯也。鵙鶯也。服鶯也。駟鶯也。鷓鴣也。鷓鴣勝也。鷓鴣也。張華言其形狀長，背短，尾青色，頭上毛起。

如婦人戴花生樹穴中，不巢生，卽鵙鳩也。詩云：鳩居鵙巢，鳴鳩在桑，無食桑椹，皆與鵙鶯相合。而鵙鶯雖居鵙巢，亦生樹穴，其頭幘卽勝也。故爾雅釋鳥不言鵙鶯，殆以戴勝當之。李時珍因鷓鴣批頰聲相近，遂謂戴勝卽架犁。然架犁何嘗降桑？又高誘呂覽注謂戴勝鷓鴣部生于桑，三月其子強飛自桑空中來下，是以僞爲任也。與戴勝不協。鷓鴣翠哥也。乾臯也。隴客也。時樂鳥也。綠朝雲也。雪衣娘也。綠衣使者也。大曰鷓母，小曰鷓哥，有紫綠赤。

白各種丹味鈞吻翠頂金眼元項碧羽頰足翠尾上
下目睫俱能眨動舌似小兒剪舌可使語摩其背則
瘡雄者喙變而丹雌者喙黑不變其白色者稍大羽
毛玉雪以手撫之有粉粘指頂有角毛墳起如冠五
羽葦華作輕黃色怒則羽盡張亦有大紅及五色者
五色難得

秦吉了鷓哥也了哥也奇鷓也孝鷓也情急了也大
如鸚鵡身黑味赤距黃兩眼後夾腦有黃肉冠其舌
目如人目下連項有深黃文頂毛有縫如人分髮善

效人笑語聲聲如人言語音雄大其性畏烟容州有
純赤純白者

烏鳳山鳥也鳴鳳也青鳥也大如鵲形如鷓鴣紺碧
色頸毛似雄雞首有冠尾垂二弱骨各長一尺四五
寸至杪始有毛羽形略如鳳聲音清越能度小曲合
宮商又能爲百鳥之音亦能人語臆黑者善鳴目紅
者善鬪

青雞似奇鷓而稍大尾稍長能語

海多魚甚巨而能言亦可教之歌宋仁宗嘉祐中漁

人所獻

附鳥解人言者鳩鵲舍利獸解人言者角端窮奇白澤訛獸

附張騁牛人言路巖馬人言宗楚客犬人言巖遵美貓人言宋處宗雞人言渭南豬人言石門羊人言荆南虎人言晉安鼠人言永康龜人言嚴州鼈人言雲湖魚人言虎邱鵲人言龍門蜂人言南州鶴人言駝坊駝人言南唐苑鹿人言于闐野豕人言

貓狗自呼名青蠅蛤蚧自呼名鳴鴿鶯鷓自呼名

附異鳥自呼名者鶉鳧鴉鷓鷓鵲鵲鵲酸與黃鳥嬰勺青耕異獸自呼名者孟極足訾驪辣辣當康異魚自呼名者在子

鳴 蜥蜴以胸鳴螭蟻以胃鳴蝻以股鳴蚊以翼鳴蟬以脇

蝮蟻也蟻蛭也吉丁也金龜子也金花蟲也綠金蟬也五六月生蔓草上大如虎豆四足二角其鳴以翼背有綠翅在甲下其甲硬如龜殼色如貼金行必成雙死則金滅

狼鳴則後竅沸鳴鳴則後竅應雞鳴則聲前鼓翼雉鳴則聲後鼓翼

狼毛狗也天狗也當路君也滄浪君也似犬銳頭白頰尖喙直腸高前廣後雜黃黑色或蒼灰性善顧食多踐藉起卧游戲徃徃藉草穢亂老則其胡如袋百年者色白三百年變化爲人或爲女子冬日長鳴鳴則後竅皆沸其聲能大能小能作兒啼魅人將遠逐食必先倒立以下所向其糞烟道上可爲烽火其腔中筋大如鴨卵熏盜可令足攣口瞞自行吐服其皮

當戶羊不敢出爾雅謂牡獾牝狼狼自有牡牝但與獾交爾又狼似狼前足厚後足高能知食所在常駕兩狼負之而行失狼則不能動故曰狼狽相倚其異種曰獲落毛黑光潤性嗜死屍貪食不厭飽則入林中夾腹令空復覓他食出西洋曰意夜納目睛能變各色亦出西洋曰狃狼目圓睛黃木食如狻猊獠人飲醕酒食鱉鮓而役之入山採寶貨來輸至死不避他姓不能奪也出暹羅

驚蟄倉庚鳴立夏螻蝈鳴芒種鴉鳴夏至蜩鳴立秋蟬

鳴小寒雉鳴

芒種兜兜無聲夏至反舌無聲立秋鷓鴣無聲大雪鷓鴣無聲

兜兜似鷓鴣正月鳴五月芒種後不知所在

鷓鴣也秧雞也似雉大如雞長距短尾白頰紅冠雄背白斑雌褐斑夏至後夜鳴達旦立秋無聲

呼犬曰嘍嘍呼豬曰咯咯呼雞曰啾啾呼鴨曰呷呷呼虎曰李耳呼熊曰子路呼蚶曰紅娘子

附鱈魚浴蛇之音如牛寓鳥鮮魚之音如羊羸獸狻

犬狸力耳鼠窸窸何羅魚之音如犬鱖鱖之音如羸居暨獨狙之音如豚欽鴉鼓子之音如鵠諸犢獒獒之音如雁虎蛟赤鱗羸魚鱖魚之音如鴛鴦鯀魚鱖鱖之音如鵲修辟魚之音如鴟馬腹蠶啞合窳窳窳犀渠狍鴉鱖魚鱖魚之音如嬰兒

蟪範卷之四

京山李元 太初

物食第七

食土者靜食水者樂食肉者勇食氣者壽

飲養陽食養陰物得所養則生然而蠶不飲蟬不食

螭不飲不食

鴈食雞鷓食雀鴻豺食雁

鴈山臬也土臬也臬鳴也鳴鵠也雞鴉也烏雀也鸛

鳩也鸞鵠也隻狐也訓狐也幸胡也鷓鴣也魍魎也

呼吟鷹也鬼各哥也頭如鸚鵡目如貓身如鷹少美
 長醜黃黑斑文有毛角兩耳穴土而居好食桑椹不
 能遠飛行不出域盛午不見物夜則飛入人家捕
 鼠食之其聲最惡以甌瓦投之則止人取其目吞之
 夜中見物其異種曰竊脂赤身白首出岷山曰馱三
 目有耳出首山曰橐琶人面一足出榆次山曰頤人
 面四目有耳出令邱山曰鴛青黃色曰黃鳥白首出
 軒轅山

虎食羊犬食兔貓食鼠雞食蟲

京山李天 大

蟪食蛛號食蠅蝸食蠍鱗食螺蟹食蟬蜥蜴食蝎蝦

食蠶蚰蛇食蜈蚣土蠱食蚯蚓

灘鷗食蛾竹雞食蟻蝙蝠食蚊反舌食蚯蚓

灘鷗鷗也鷓鴣也五采色多紫尾有毛如枕首有纓
 能啄木穴樹巢其中或用木塞之則以嘴畫符而塞
 自出性好遊溪宿水渚雄左雌右老少羣伍皆中式
 度能食短狐所居之處無溪毒

蟻水弩也水虎也水狐也短狐也射工也射影也抱
 槍也鬼彈也溪鬼也溪毒也似蟬亦似蟻螂長二三

寸廣寸許形扁前濶後狹濶頭尖喙喙有二骨有六足二足在喙大前一爪四足在腹小而岐爪腹軟背硬如鼈甲六七月甲下有翅能飛作鈹鈹聲以尾爲弩彎尾向頭爲上弩或曰頭有尖角如爪長一二分橫口前如弩擔臨角端如上弩或屈前抱拱其喙如橫弩上矢四月上弩八月卸之冬月則蟄蟄處無雪氣起如蒸其以氣因水勢射人遠三十步則射其影中者令人生瘡其腹下亦有針刺螫人鴛鴦灘鴻食之鶯鴨辟之周惠王時玉馬所化

麕食蛇獺食鱖山獾食蟹豬食蜉蝣

麕麕也似麀而小鱖色俱毛豹脚角不岐毛不斑其口兩邊有長牙力勁好鬪亦善躍其行草中但循一徑山中有虎則凡凡然鳴其聲如擊鼓鋈焉白色者銀麕赤色者紅麕

鱖鮒也子魚也黑鮒也鮒鮒也浪鯉也滑魚也似鯉身圓頭扁口小目赤鱗黑骨軟其子滿腹重不及兩生江海淺水中好食泥性慧不入網罟海人以長網罩之潮退始取獺好食之其小者曰撥尾

龍食燕蜃食燕鯨食烏鰽食烏鰽食烏

蜃蛎也車螯也斑蛎也紫貝也海蛤也魁蛤也昌娥也層厚而白殼紫有斑如玉如花可飾器焯殼為灰可朽墻勻面海人以火炙之則殼開取其肉食之肉稱西施舌白色似乳肖舌濶約大指長及二寸舌本有數肉條如絲是其飲處味鮮不可方物薄者為姑勞小者為羊蹄殼白有肉如舌者為沙蛤為車蛤為土匙

鵲食狷狷食駿驥駿驥食豹豹食駿駿食虎虎食鹿鹿

食蛇蛇食鵲蟒食鹿鹿食龜龜食蟒螂蛆食蛇蛇食蛙

蛙食螂蛆

狷象也蝟鼠也毛刺也刺雞也虎王也似鼠毛有刺足短似豬蹄尾長寸餘蒼白色見人則藏面腹下圓輓如栗攢毛外刺尿之即開能跳入虎耳而性畏鵲鵲矢中之則仰腹受啄可養之教使對打合節奏其脂柔鐵伏雄黃其種類曰蝟刺端有岐曰蝟刺如棘針曰居蟹赤尾曰山枳尾有岐曰山狨褐色曰狨赤如丹火又唐東都有白狷

豹程也失刺孫也五豹將軍也似虎而小白面赤黃
毛有花文文黑或圓如金錢或長如金線或斜如艾
葉各以形名之性畏蛇畏鼯而爲獅駮渠搜所食其
別種曰土豹色不赤而毛無紋曰元豹黑文多曰紫
豹紫色曰赤豹丹豹也朱豹也尾赤文黑曰文豹出
濊國曰海豹五色居水涯常以一豹護守如雁奴出
新羅曰黑豹出屠州曰青豹色如翠出浪坂山曰駝
牛豹豹文犀角駝身以乘且耕出佛逝國曰狃豹文
首出隄山曰猗豹五尾一角出章莪山曰孟極文額

白身出石者山曰諸犍人首牛耳一目長尾出單張
山曰嗽月夜噴光照數十步

蟒蚺也蟻也王蛇也鱗蛇也長丈餘四足有鱗或黃
或黑額有王字爲諸蛇之長春冬居山秋夏居水能
食麋鹿亦傷人

虎醉狗貓醉薄荷雞醉馬虻鳩醉桑椹蚘醉葛藤鮓醉
淡水蛇醉茱萸蜂醉蕎花狸醉羊肝魚醉苧草龜醉夜
火

龜石鱗也石崙也谷凍也山蛤也似蛙紫斑如錦大

如雞生高山深澗晝伏竇中夜蟄山石最高處吞氣
飲風不食雜蟲捕者不可預相告語密以憲書首頁
納竈中卽措火緣石巖照之見火輒醉十不脫一
蛇吞鼠而禱特甘蛇蛇制豹而獾豹噉蛇蛇噬蛙而蝮
啖蛇蛇食鹿而麀嗜蛇惡無不報也鶴食蛇鵲食蛇鷹
食蛇鶻食蛇鷲食蛇虎食蛇猴食蛇麕食蛇麝食蛇牛
食蛇暴必有制也

倭蛇皮堅不可斫其上有孔乍開乍閉時有光出射
中其光則死有山鼠大如牛而蛇吞之出倭國今牆

屋間黃頰蛇亦吞鼠子雀雛

禱特活禱也食蛇鼠也似鼠喙尖尾赤善食蛇蛇螫
者嗅其尿卽愈

蝮蜈也田父也飛蜈蚣也似蛙而大如草屨黑色食
蛇蛇被逐不能去因銜其尾久之蛇死尾後數寸皮
不損肉已盡矣常潛深淵之中能興雲雨

至暴者莫如虎豹豺食虎豹駁食虎豹鼯食虎豹獾食
虎豹虎鷹食虎豹首耳食虎豹赤蟻食虎豹

豺鼯也獾豺也獾獾也獾獾也露犬也野狗也似狐

白尾赤目黑喙身長七尺頭生一角老則有鱗能食
虎豹亦能食鐵銅

駮茲白也吉量也吉良也吉黃也雞斯也牛身象齒
白身黑尾一角鋸牙朱鬣金目壽千歲

鼯鼯也虎鼠也風鼠也似狷居木能飛虎過則咆哮
拔毛投之虎生瘡潰死虎畏之故不敢林居

獬豸也獨也唐已也執夷也石狢也青腰也黃腰也
似猴鼯身狸首馬尾腰以上黃腰以下黑長則食母
能食獮猴虎豹及牛鹿其性獨一鳴卽止故謂之獨

酋耳騶虞也騶吾也似虎五色尾長于身日行千里
不食生物惟殺虎豹

鰕魚自食其類蟬蛇自食其類鼯鼠自食其類狨猴自
食其類

鼯鼯也穀鼠也地猴也鼠狼也似鼯而大赤黃色
長身大尾氣臊臭善登木好啖鼠亦食蛇

獬食父梟食母乾吉食子山鳳食雌

獬破鏡也如獮而虎眼自食其父
梟也鵙也流離也百勞也生子百日則翼長從母

索食食母而飛或曰梟食母眼睛乃能飛也

蜻蜓自食其尾狍鴉自食其軀

狍鴉饕餮也羊身人面虎齒猴爪目在腋下音如嬰
兒食人未饜而甘之遂自食其軀

蠅食死人腦罔兩食死人肝啜臘食死人肉

蠅似羊似豬又似猿常在地下食死人腦以松栢穿
其首則死秦穆公時陳倉人掘得之

罔兩魍魎也方良也好食亡者肝而性畏虎與栢故
墓上植栢木立石虎鎮之

啜臘蒼梧蟲也狀如麥有甲性嗜臭肉人將死則羣
集舍中食肉都盡餘殘骨存乃去其來紛紛不可驅
逐唯避梓板及豹皮耳

附鳥食人者羅羅魃雀獸食人者彘駒獬狃諸獗蠱
蛭犀渠窳窳合窳馬腹狍鴉獨狙費費窮奇

虎豹噬人以自飽也蛇螫螫人以自衛也蚊蚋噉人以
自養也

蠹蠹蠹也蠨螋也杜伯也主簿蟲也形似水龜八足
長尾有節色青子負背上白如稻粒亦有鼠負所化

者尾鈎螫人蜥蜴蝸牛食之蝸以跡規則不復去其
螫毒取蝸涎塗之立止然有大毒螫人至死者江南
舊無蠍唐大歷中有北人爲金壇主簿以竹筒盛過
江遂乳育然亦未螫人其繁而小者謂之蚘蚘
蝨有九種曰衣蝨人蝨也丹鴻也琵琶蟲也生衣襦
中長身六足行必向北在身者色白在頭者色黑人
將死則蝨離身將蝨置青葉上經宿粘霧則化青蟲
飛去其卵謂之蟣性畏水銀銀硃百部菖蒲曰兩頭
蝨亦生衣中曰陰蝨生人陰毛中八足而扁或紅或

白痒不可當肉中挑出曰壁蝨臭蝨也臭蟲也生薦
蓐中及壁隙間身扁狀如酸棗好啣人頸血曰濡需
豕蝨也生豬鬣中曰菱蝨牛蝨也薦蠅也蠅蝨也生
草木上身扁狀如葶麻子有黑白二色好食牛馬血
飲血滿腹時自墜落曰雞蝨雞遊子也生雞巢中小
如塵土好遊人耳面曰龍蝨似螳螂而小黑色兩翅
六足劈殼食之小有風味秋月暴風自海上飛曰竹
蝨佛子也天厭子也蒼灰色百十爲羣初生如粉點
久便能動生竹上蟲卵所化

犬嗜穢貓嗜腥蟻嗜羶蠅嗜臭

首耳不食獸鷓鴣不食魚鵝不食生猴不食腥

鷓鴣鷓鴣也鶴頂也越王鳥也似鳧大如孔雀黃白

黑色光質如漆足長口勾喙長尺餘不食魚不啜草

專啖水葉糞似熏陸

鰻食藤花鳳食桐花蜚蠊食稻花歸飛食桂花

桐花鳳似鳳五色大如指有冠常以春暮桐花開時

來集花上飲其朝露花落則散不知所往或掩得之

則死與么鳳異類

歸飛鳥八月桂花香時來集鳴聲自呼出林邑城外

或曰即鷓鴣也

鵬食桑椹鶴食椹實狗食松脂獬食棟葉夜燕食龍眼

石鼠食山豆根

夜燕飛盜也好食龍眼趨捷如風緣枝接樹瞬息間

萬樹獵盡

石鼠專食山豆根出桂海與鼯鼠同名異物

獮食鐵蟻食銀鬚食烟鴉斗食火鴝鳥食炭英雞食石

鯨魚食沙螳螂食髮鞠通食墨象浦蟲食舩

獬白豹也猛豹也齧鐵也似熊象鼻犀目獅首豺髮
牛尾虎足小頭庫足力大骨節強直中實少髓雄者
蒼白色雌者黃白色毛淺而有光澤食銅鐵及竹其
糞可以切玉其溺可以消鐵爲水其膏銅鐵瓦器皆
漏唯骨器盛之其齒堅鐵不能椎火不能爍惟羚羊
角碎之世所傳佛牙佛骨卽此物也又叶火羅大獸
昆吾山狡兔亦食鐵又移卽似獬喙目尾毛皆赤出
鮮山

獨斗倭猗也似犬而食火其糞亦火能以糞噴火作

殃亦怪獸也

駝骨托也火雞也駝蹄雞也雞身蛇足銳喙利爪青
羽赤冠高七八尺食鐵石火炭

英雞密肌也繫莢也如雞而雉尾產石英間食碎石
體無毛腹下毛赤不能遠飛

鯊籬鯊也沙鯧也鮫魚也沙溝魚也重唇魚也呵浪
魚也吹沙魚也體圓鱗細大如指前半濶而扁後半
方而狹色黃有黑點文其尾不岐小卽有子性好沈
常行沙中食沙卽於沙中乳子又好張口吹沙正月


出

鞠通琴蛙也生琴中綠色琴有鞠通其絃自和好食古桐古墨可以治聾

象浦有水蟲甚細微能鑽木食舡或數十日不察則舡漏矣

穀以食人而物亦食之蝨食根蟹食節螟食心蠓蝗蝮蝻食葉鼠雀食實蚱食米

蝨爛根蟲也色黑兩端尖銳尾有岐能螫人居禾之根潛泥食根則禾為之黃



蟹鋸節蟲也有甲善斷禾節又有小蟲似土狗俗名旁不肯喙上有鉗湧地而出能食蝨賊以鉗鑷之截為兩段

螟橫蟲也鉸心蟲也似蚱蚘而頭白似蠶而身小食禾心盡復吐絲包之則穗苞不復出

蟻螻也特也蚱蚘也窩葉蟲也似蠶青色初食苗葉久則裹葉而滿其中蛻為蜻蜒

物之有毒者性或宜之馬食杜蘅而飽龍食砒霜而靈鼠食巴豆而大羊食鈎吻而肥蠶食礪石而壯物之無

毒者性或反之熊食鹽而病獺食酒而斃鱗吞水而僵
犬食木髓而亡金魚食橄欖而死

鱗鯪也蛇蟬也黃鱔也黃鮠也黃質黑章生泥窟中
似蛇無鱗體有涎沫大者長二三尺善穿穴夏出冬
蟄性畏蒜聚羣鱗於缸而以蒜投之則躍不已或曰
苻芩根所化晉義熙中琅琊有死人髮化鱗然鱗生
子最多常自食不盡非化也

金魚丹魚也赤鱗魚也春末生子草上初出黑色久
則紅色或白色或紅白黑斑相間無常食橄欖渣則

死聞肥皂氣亦死得白楊皮則不生蝨有金鯉金鯽
金鯪金鯪諸種畜者多金鯽以其耐久也

龜恣口則瘦蟄土則肥蝟吞鹿則瘦鹿化則肥
鮑過暮春則肥鴨過重陽則肥

物居第八

陸鳥曰棲水鳥曰宿獨鳥曰止衆鳥曰集

鳥居曰巢曰窠馬居曰廐曰皂牛居曰牢曰闌羊居曰

幾曰圈豕居曰苙雞居曰埒曰堞

蜂有房蟻有戶虎有穴龍有門魚有梁龜有室蠶有箔

兔有窟麋有峻鹿有場

試下鼈津乘鰕槎揚鬣帆抵蠓山遊蚊市過鸛井登蜂
臺上蜃樓處熊館開蠣房發魚倉望螳蕩與物化矣
蜃蠃也大蛤也蛟蜃也慎郎也狀似螭龍有耳有角
紅髮腰以下鱗盡逆善吐氣如樓臺城郭將雨卽見
謂之蜃樓亦曰海市其脂和蠟作燭香聞百步烟篆
樓臺正月蛇交雉而生卵遇雷卽入土數丈爲蛇二
三百年後升騰入海爲蛟蜃卵不入土但爲雉爾又
淮水黃雀秋化蛤春化黃雀五百年化爲蜃又車鰲

亦名蜃與此異種

蠣蠓也牡蠣也元蠣也蠣蛤也牡蛤也古賁也雲慈
也初附石生礪碗相連謂之礪房亦曰蠓圃初生如
拳石四面漸長千百粘附巖巖如山有高一二丈者
謂之蠓山每房有肉一塊大小隨房大者如馬蹄小
者如人指每潮來諸房俱開俟小蟲入而合之卽以
充腹雄左顧雌右顧左顧者向南視之口斜向東也
百歲鵬所化或曰鹹水結成雌者謂之石牡蠣圓如
龜殼夾沙石形短者蜃蠣稍大者草鞋蠣極大者黃

蠃極小者蠃崽有蠃魚生其中而喜食蠃
鼈神守也團魚也黑衣龍也甲折翁也九肋君也裙
襴大夫也河伯從事也外骨內肉無耳卵生水居陸
產形圓脊穹四周有裙其伏卵置卵於水濱隔岸望
之朝首東向夕首西向隨日光所轉二十一日而成
純雌無雄蛇龜爲偶夏以孚乳其抱以影所在其下
必有浮沫謂之鼈津燒龜脂可致呼蠃名可致鼈鳴
則伏蚊叮則死裹青泥而死得竟復生其別種曰納
納鼈也無裙頭足不縮魚滿三百六十則蛟龍引之

而飛納鼈守之則免曰朱鼈大如錢腹赤如血浮波
則雨在水中著水馬脚能令仆倒曰珠鼈六足四目
狀如肺足下生珠其珠與月盛衰或云亦口中吐珠
曰旱鼈在山蛇化有毒試懸一足則漸垂而長曰能
三足鼈有大毒食之殺人曰赤鼈能曳禽獸入深潭
吸其血出嶺南曰鮮鼈音如羊出招水曰在子人首
自呼出良夷

螳螂也螳螂也馬刀也長二三寸大如拇指外殼
內肉內謂之螳腸殼薄而蒼白頭有兩巾出殼外闊

人種之謂之蝗田蝗蝗蕩其長大似竹節者曰竹
蝗小而三月盛者曰麥槁蝗圓尖生石孔中者曰石
蝗似蝗而肥者曰沙螺

因所居而居者燕居楣雀居簷蜂居椽戴居瓦

雀鷓也黃雀也麻雀也簷雀也瓦雀也青喜也雀豹
也家賓也羽毛斑褐領背黑頭如顛蒜目如擘椒尾
長二寸許爪距黃白善破穀入口則穀米分矣躍而
不步目驚而夜盲小則黃口老則斑毛其卵有斑四
時有子性常依人宿堂簷間鳴曰嘖嘖啑啑其屎曰

青丹曰雀蕪曰白丁香尖者雄屎圓者雌屎也海邊
或化為魚其名訓鰲百歲者化蛤六月東南風大海
魚亦化雀有白赤丹者瑞也其別種曰鴉蒿雀也草
雀也似雀而青黑在蒿間曰黃頭雀似雀而黃尖喙
利爪善鬪曰馮霄吐五色之氣如雲能反形變色在
木為禽行地為獸出丹州曰嗽金色黃羽毛柔密常
翱翔海上吐金屑如粟漢明帝時昆明國獻
戴蚝也棘也蚶也蠃也蝓也蝻也毛蠹也瓦
蛆也生死屋土有毛螿人

非所居而居者蟬居書蝨居衣蛛居網絡居糞土蚋居

醬汁

蟬蚋也白魚也蠹魚也衣魚也壁魚也狀似魚尾分
二岐初生青色老則白而有粉視之如銀手觸則落
三食神仙字化為脈望蟲規四寸許如環無端夜持
向天可以墜星求丹

蚋蝨也蓬也趣也蜚鴻也頤輅也蟻蠓也蠓蚋也醯
雞也似蚊而小朽壤所化望之如霧好食醋旋飛如
磴則天風上下飛如春則天雨因雨而生得陽則死

其別種曰蠨子黑色似蚋而小不礙紗殺夜伏晝飛
聞柏葉與麝香則去曰黃蠅色黃自蛇鱗出曰浮塵
子沒子也微塵也金剛鑽也色白小不可見與塵相
浮而上下好刺人雖蒙絮自蔽猶能入人肌膚以粗
茶燒之烟如焚香狀即可斷之受刺者如無刺搔之
癢愈甚

鵲架柴為巢燕啣泥為巢鷓鴣紮麻為巢蠶蛛吐絲為
巢黃蜂啣漆為巢

燕鳧也鷓鴣也元鳥也朱鳥也鷺鳥也游波也天女

也神女也如雀身長籥口豐頷布翅岐尾背飛向宿
春社來秋社去來去不爽雌雄飛鳴一上一下戊巳
日不銜泥作巢凡人家燕不入室者取桐爲男女各
一投井中則燕必來若不欲燕來則以艾置巢中燕
卽去巢有艾則不居也蛟龍嗜燕肉人食燕入水則
爲蛟龍所吞或遇江海枯竭投燕其中水立漲蛟龍
來也狐貉皮見之則毛脫鷹鷂食之則死靈可與雲
鷲能制鶻冬蟄井底或崖穴中千歲之燕尾屈色白
名爲肉芝其戶北向五百歲者生胡髯其種類曰越

燕紫燕也漢燕也游波也小而多聲頷紫巢門楣之
上其巢似椀曰蛇燕胡燕也大而白臆巢屋兩椽間
其巢長曰石燕土燕也乳石穴中形似蝙蝠口方食
石乳汁

鷓鴣鴉鵂也鴉鵂也焦鵂也鷓鴣也鸚鵡也旬宜也
過羸也鷓鴣也桃蟲也曠爵也鞞雀也絲雀也桃雀
也工雀也布母也巧婦也巧女也女匠也桑飛也剖
葦也蘆虎也黃脰雀也雄曰鷓雌曰鷓似雀而小灰
色青斑長尾聲如吹噓喙如利錐巢於葦苕係之以

髮取茅莠爲巢以麻紮之如刺鞞然大如雞卵至爲精密懸於樹上或一房二房小人畜之作戲取其窠燒烟熏手令婦人巧蠶其雛化爲鵬見布穀生子輒往食之愚按鷓鴣善剖葦食其蠹時珍謂又一種非也

鳩居鵲巢雀奪燕窠蝥伏蛇鱗蝥生鼠壤蠅蝥犬耳蛭蝥螺屬蝥飽貯腹蝟寄龜殼螟巢蚊睫而生蛔宅人腹而變

鞭蝥沙蝥也蓬活也地牌也生水中如蟻赤色或在

沙中草際著人如毛髮芒刺初入皮裏如針孔粟粒四面有五色文可以挑出入骨則殺人本伏毒蛇鱗中蛇爲所苦入急水洒出之或卧沙中碾蝥入沙塵土鼈也地鼈也蚌虎也地婢也蟒袋也蚶蚩也簍箕蟲也過街蟲也形扁無甲有鱗翅小不能飛翔有臭氣生鼠壤中狀似鼠負與燈蛾相爲牝牝逢申日則過街

罽蠨蛸也魴鮎也海鏡也鏡魚也蟹奴也石筋也薊蚌也羸蛤也果頭也膏藥盤也兩片相合殼圓如鏡

中甚瑩滑日照如雲母之光內有少肉似蚌胎腹有寄居蟲居之其蟲一名寄生似蟹似蜘蛛亦似榆莢負殼而走觸之即縮饑則出求食入則蠓蛞亦飽不歸則蠓蛞餒死或火迫之則蟹出而蠓蛞斃或生剖之蟹活腹中逡巡亦斃按閩書有合體共生者有枯殼寄生者大約螺蚌蛤蟹各介蟲枯殼未損皆可感氣而生物但枯殼有生肉不生肉之別耳

蠓狀如蝦生龜殼中

螟焦螟也麼蟲也羣飛而集於蚊之睫又蚊翼小蜚

蟲曰嫫媿細蟻也每生九卵成九子飛去常生於春以季夏藏鹿耳中

蛔虬也蛸也人龍也其類有九曰伏蟲長四分羣蟲之主曰虬蟲長五六寸曰白蟲長一寸色白頭小曰肉蟲狀如爛杏曰肺蟲狀如蠶曰胃蟲狀如蝦蟆曰弱蟲膈蟲也狀如瓜瓣曰赤蟲狀如生肉曰蟻蟲狀如菜蟲九者傳變多為人病其蟲在腹上旬頭向上中旬頭向中下旬頭向下故月初服藥易効又有尸蟲似犬而馬尾或如薄筋依脾而居長三寸許有頭

尾與人俱生爲人大害

鯨與鼈同穴犴與蛇同穴貉與獾同穴

犴糖牛也青黃色其角如玉可以製器性嗜鹽人裹手塗鹽則取之出日南潯州

貉獬也貉也似狸銳頭尖鼻斑色其毛溫厚深滑可爲裘與獾同穴而異處日伏夜出捕食蟲物獾則隨之其性好睡以竹扣醒已而復睡或謂耳聾也考工記謂貉踰汶則死

獾狗獾也天狗也似小狗而肥尖喙卑足短尾深毛

褐色皮可爲裘亦食蟲蟻瓜菓遼東有海獾似獾出於海中

獸居水者獺魚居岫者鮪

獺水狗也水貓也似狐而小毛色青黑膚如伏翼長尾四足水居食魚能知水信爲穴飲酒則斃十月正月兩祭魚知報本反始也性畏雉尾尾插其穴則不敢出亦可畜以捕魚嘗糜置大水麈中在內旋轉如風水皆成旋渦其別種曰獺獺獺也獺獺也獺獺也獺獺也巨狼也赤眉鼠目犬首猴身似獺而大好食

魚亦與後交曰山獺插翹春也性淫不澤牝獸聞婦
 人氣必躍就之無偶則抱木枯死曰海獺海獺也似
 獺而大足下有皮如駢拇頭如馬自腰以下似蝙蝠
 毛入水不濡侯風潮則毛起生海中
 鮪鱠也鱠也王鮪也鮪鱠也鮪魴也鮪子也碧魚也
 鸛背也鮮龍也牛魚也尉魚也仲明魚也秦皇魚也
 似鱸青色尖頭喙口長鼻等身如鐵兜鍪背無鱗甲
 頰有青斑紋如梅花尾岐如丙肉色純白口在頷下
 甲可摩薑大可七八尺冬則岫居至春始出而浮陽

北遡西河而上度龍門化龍見日則目眩小者叔鮪
 大者王鮪樂浪尉仲明溺海所化

獸緣木者熊羆猿猴魚緣木者鯢蛙叱螺蟲緣木者蠟
 鈔文蛤

蠟寄蟲也如蟻白色老則赤黑結繭於枝上初若黍
 米春則漸長如卵紫赤色每包數百子立夏前後取
 子裹女貞枝上半月化出芒種後延緣樹上食汁吐
 涎粘嫩莖化爲白脂狀如凝霜處暑後剝取煎之勝
 蜂蠟若過白露則粘入樹裏不可刮下矣

紫鈔赤膠也蟻漆也蟲似蟻蝨緣枯木而生運土木
端作窠得雨露凝結而成

文蛤五倍子也小蟲似蟻春生膚木葉背上食其汁
葉卷如窠老則遺種結小毬於葉間殼堅脆而中空
久則竅穴出化為蠹子

34

久則成六出化爲雪子
雲名如雲老則道無端
小池於雲霧散歷歷而
大其月土食其汁
不食其汁
不食其汁
不食其汁

